

華陽縣志卷十八

人物第七之十一 列傳 忠節 附忠節表

杜翊世 黃哲 黎商老

王秉乾 王履亨朱奉錡何繼皋 劉崐

倪國正 何元卿 徐文英安如峒

蕭建勛 子全義

夫執干戈以衛社稷，雖輪繫馬，慷慨赴敵，豈一時憤激能然哉？古今來傳忠臣烈士多矣，千載而下，凜乎如或見之，而不幸者，乃折亢斷脰，陷腦塗膏，泯漠於記載者，何限悲夫！悲夫子論次縣人忠烈事，雖甚無關天下大計，然其一往不顧視死如歸，與夫懦夫怯，豎衡其得失

華十八 人物十一

一

川文

不已足多乎？餘或偏戰小役，擲身致命，紀則煩碎，略則漏遺，故各別為表，臚其名姓，後之君子得以覽焉。

杜翊世，華陽人，蓋唐檢校工部員外郎甫子。宗文之後，宗文十世孫。準皇祐五年進士官，至朝散郎知綿竹縣。卒，諸孤尚幼，妻黎攜歸外家，成都教督甚嚴。翊世即其第二子也。登紹聖元年進士第，官至朝散大夫。知懷德軍。靖康初，北寇方警，而西羌亦乘隙寇懷德，奄至城下。翊世率眾守禦，三旬，援兵不至，城陷，先火其家，乃自縊。死事，聞贈正議大夫，官其後。表所居曰忠義坊。子慥，忱翊世既死，慥棄官走，尋父屍，至其殉處，一慟幾絕。見者莫不流涕。於是斂遺骸，並招母魂歸葬焉。孫逸，老俊老。



紹興戊辰題名錄後仕至黎州推官乾道九年二月青羌努爾

志宋史蠻夷傳以知黎州宇文紹直不讎馬價憤怨為

亂寇安靜砦宋史蠻夷傳紹直命商老往禦未戰兵潰商老

死之續通鑑紹直坐謫編管千里外宋史蠻夷傳

王秉乾字毓精華陽人令湖廣湘陰縣賦重差繁民不

堪命秉乾出私俸代為完解天啟五年以卓異行取時

魏瑞擅權其黨有欲招致之者秉乾力拒補大理寺寺

正平反無冤滯致仕歸崇禎末張獻忠陷成都秉乾先

令闔家投井然後罵賊死之同時有王履亨坤軸自宣

府同知還里為獻賊所執行至新橋投江死朱奉鈿連

水崇禎甲戌進士巡按貴州御史治疑獄號為神明遷

華十八 人物十二 三

陝西道參議歸蜀後值孫可望之亂率鄉人禦之雅州

龍仙關兵敗不屈為賊所殺乾隆四十一年賜秉乾奉

鈿諡烈愍履亨節愍焉而縣諸生何繼皋直卿賊據成

都日偽學官楊允升迫令應考憤罵自刎亦予祀忠義

祠舊通志引勝朝殉節諸臣錄又蜀碧

劉岷字玉巖其先世隴西大父起軍功至總兵官於保

甯遂家焉父大勳乃遷華陽岷舉康熙戊子科武鄉試

隨岳襄勤克寧番瓦都諸役累擢東川游擊雍正八年

雲南烏蒙鎮土酋祿萬鍾為逆檄往平之補澂江鎮遊

擊屢言於當事者謂夷情叵測宜思患豫防未幾果叛

鎮府命率五十人往偵其動靜岷至諭以禍福不遑且





營參將賞戴花翎嘉慶元年湖北教匪倡亂焚掠來鳳縣檄往勦捕殺賊甚眾攻克旗鼓寨賊巢擒其魁胡正中超授陝西興漢鎮總兵時川陝教匪所在扇熾進兵達州迭攻冉家壩土地垵取之軍威大振賊走張家觀十一月與重慶鎮總兵袁國璜約期會勦戰於牛背山賊抵死抗拒元卿投身奮鬪遂歿於陣事聞照提督例議卹諭賜祭葬蔭騎都尉世職同時有徐文英乾隆庚子科武舉攝城守營千總亦以達州教匪王三槐亂圍攻東鄉縣文英奉檄往助守禦慷慨登陴賊不得逞相持四月援絕力盡城陷猶持刀巷戰與知縣張守陽同時遇害又有安如峒者乾隆己酉科武舉六十年以干

總隨大學士福康安勦湖南黃瓜寨苗賞戴藍翎苗據古峭營如峒誘之出德楞泰潛自誅苗坪渡河擊之以功遷疊溪守備進勦平隴乘雪分兵奪高斗山額勒登保乃由爆木營繞賊後蹙之殲戮無算賞換花翎擢瀘州都司嘉慶二年隨將軍觀成擊教匪冷奉徐添德于達州賊犯磐市要隘副將孫起龍率兵堵禦如峒趨間道據其後擒賊魁楊正潮蕭先惠賊走據金峨寺姚家寨築柵雞爪嶺山勢陡峭仰攻不得如峒繞王家巖出其北總兵朱射斗出其南攻焚賊柵遂奪雞爪嶺殲斃不可勝計最後攻賊孫老五磨子壩如峒隨德楞泰方微行叢莽間度地勢遇賊騎拔刀斬之下山追躡遇伏

戰死皆蔭卹如例

以上四傳事本舊志文皆別撰

蕭建勛字成齋華陽人父太和字元貞累加副將銜松潘鎮標中營游擊建勛生自將家自少讀書卽慷慨負大志粵亂之起也時已薦敍知縣官湖北咸豐四年吳文節公文鎔爲總督粵寇由江西上竄田家鎮省城戒嚴巡撫崇綸懼自言出城禦賊欲爲走避計文鎔拔佩刀斫案謂城存與存城亡與亡耳必死守會賊圍城數十日攻不下解圍去而崇綸愧且忮上疏願獨守城而趣文鎔復黃州特借以陷之文鎔不得已出兵兵皆烏合非素練抵黃州壁堵城建勛素以才見賞於文鎔挈隨左右會大雪輜糧兵械爲崇綸所掣不時至士卒皆

華十八

人物十二

七

在塗淖中賊屢來犯數擊卻之最後數萬眾大至方決死間後營忽火眾驚潰文鎔赴水死而建勛遂爲賊所得殉焉其後文鎔昭雪崇綸逮問仰藥死建勛亦照陣亡例優卹蔭世襲雲騎尉子全義字蕙初體貌魁梧而志趣儒雅旣冠襲父蔭以雲騎尉隸督標營轉戰滇黔關隴用軍功薦擢至游擊所交游如成都武謙同縣喬樹枏林毓麟陳天葆王少懷皆一時知名士光緒中臺灣有事合肥劉銘傳爲巡撫咨調人材於蜀督府以全義應薦旣至臺灣卽統埤南屯營受任百日以臺北瘴氣重染疾歿於營次照軍營病故例子卹焉





楊學賢 維州把總積勞故

陳應彪 建昌守備陣亡王家埡

李鳳鳴 武舉定邊都司陣亡温家漕

黃鳳 廕生涇州都司陣亡天池埡

江鯤化 提標把總陣亡板磴埡

胡元龍 五品藍翎積勞故

李國泰 提標千總陣亡土門子

李啟功 提標把總陣亡土門子

曾占魁 五品藍翎陣亡土門子

李正彪 五品藍翎陣亡朱家坡

呂廷貴 陝西都司積勞故

華表

中心節

曹文通 陝西游擊陣亡朱家坡

賈萬全 廕生積勞故

彭家棟 武舉太平都司陣亡獐子坪

高正龍 馬邊千總陣亡毛家溝

孫元龍 黎雅千總故平利縣

郭萬福 阜和外委陣亡旗鼓寨

孫大陸 武生千總陣亡觀石子

呂朝龍 松潘總兵積勞故

趙勤 文生年八十八無子依女於涪州嘉慶初教匪執之不屈罵賊死